



**ԱՇԽԱՏԱՆՔԻ ԵՎ ՍՈՑԻԱԼԱԿԱՆ
ՀԱՐՑԵՐԻ ՆԱԽԱՐԱՐՈՒԹՅՈՒՆ**

**ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐ ԱՐՄԵՆ ԹՈՐՈՍՅԱՆԻ
ՊԱՇՏՈՆԱՎԱՐՄԱՆ ՄԵՎ ՏԱՐԿԱ ԸՆԹԱՑՔՈՒՄ ԻՐԱԿԱՆԱՑՎԱԾ ՈԼՈՐՏԱՅԻՆ
ԲԱՐԵՓՈԽՈՒՄՆԵՐԻ ԵՎ ԾՐԱԳՐԵՐԻ ՀԱՇՎԵՏՎՈՒԹՅՈՒՆԸ**

1. 2026 թ. ապրիլի 1-ից բարձրացվել են **կենսաթոշակների և նպաստների չափերը**: Ըստ այդմ, նվազագույն կենսաթոշակի և ծերության նպաստի չափերը սահմանվել են 46,000 դրամ (36,000 դրամի փոխարեն), միջին կենսաթոշակի չափը 49 000 դրամից բարձրացել է՝ հասնելով 59 000 դրամի (հետվճարի միջին չափի հետ միասին՝ 67 000 դրամ):
2. 2026 թ. ապրիլի 1-ից բոլոր պետական նպաստները, այդ թվում՝ կենսաթոշակները և երեխայի ծննդով պայմանավորված նպաստները վճարվում են **անկանխիկ եղանակով**:
3. 2026 թ. սեպտեմբերի 1-ին և դրանից հետո ծնված բոլոր երեխաների համար **ծննդյան միանվագ նպաստի չափը** սահմանվել է 500 հազար դրամ՝ անկախ երեխայի կարգաթվից:
4. 2026 թ. հունվարի 1-ից **ընտանիքում երրորդ և յուրաքանչյուր հաջորդ երեխայի ծննդով պայմանավորված 50,000 դրամ աջակցությունը** դարձել է պետական նպաստ. այն կտրամադրվի ամսական պարբերականությամբ՝ մինչև երեխայի 6 տարին լրանալը:
5. Գործում է **ժամանակավոր անաշխատունակության և մայրության նպաստների նշանակման նոր ընթացակարգ**. նպաստները նշանակվում, հաշվարկվում և վճարվում են Միասնական սոցիալական ծառայության կողմից: Շահառուն այլևս որևէ դիմում կամ փաստաթուղթ ներկայացնելու կարիք չունի. նպաստը տրամադրվում է անկանխիկ եղանակով:
6. **Կենսաթոշակի և նպաստի 20 % հետվճարի ծրագրի** շրջանակում հուլիս ամսվա ընթացքում կատարված անկանխիկ գործարքներից օգոստոս ամսին հետվճար է ստացել շուրջ 561569 կենսաթոշակառու և նպաստառու՝ հետվճարի միջին չափը կազմել է 8194 դրամ: Ծրագրի մեկնարկից մինչ օրս կենսաթոշակային քարտերով իրականացվել է շուրջ 533 մլրդ դրամի անկանխիկ գործարք, իսկ շահառուներին փոխանցվել է շուրջ 61,1 մլրդ դրամ հետվճար:



7. Կենսաթոշակ կամ նպաստ ստանալու իրավունք ունեցող **100 տարին լրացած անձանց տրամադրվում է 1 մլն դրամ միանվագ գումար**: Այն տրամադրվում է կենսաթոշակ կամ նպաստ ստանալու իրավունք ունեցող անձի 100 տարին լրանալու օրվան հաջորդող ամսվա կենսաթոշակի (նպաստի) հետ միաժամանակ:
8. Վերաբացվել է **Սահմանամերձ բնակավայրերում ընտանիքների բնակարանային մատչելիության ապահովման պետական աջակցության ծրագիրը**. ծրագրից օգտվել է մինչ օրս 3348 ընտանիք, որից 3142-ն արդեն վարկավորվել է, իսկ 448-ն արդեն ներկայացրել է ավարտական ակտ:
9. 2027 թ. նախատեսվում է իրականացնել **բնակապահովման պետական աջակցության ծրագիր՝ 6 նավելի անչափահաս երեխա ունեցող ընտանիքների համար**: Ծրագիրը հնարավորություն կտա բազմազավակ ընտանիքներին ՀՀ մարզային բնակավայրերում ձեռք բերել բնակարան կամ կառուցել տուն 100 տոկոս սուբսիդավորմամբ:
10. 2026 թ. հուլիսի 1-ից մեկնարկել է **Ղարաբաղից տեղահանված առանձին խմբերի ընտանիքների վարձակալության վարձավճարի մասնակի հատուցման միջոցառումը**: Ծրագրի շրջանակում տեղահանված առանձին խմբերի ընտանիքներին աջակցություն է տրամադրվում 10 տարի ժամկետով՝ ընտանիքի յուրաքանչյուր անդամի համար աջակցության ամսական չափը կազմում է 40,000 դրամ:
11. Իրականացվում է **ինքնազբաղվածության խթանման ծրագիր՝ Ղարաբաղից տեղահանված անձանց** համար: Ծրագրի շրջանակում տրամադրվում է բիզնես ուսուցման աջակցություն, ուսուցման ավարտին մշակված և դրական եզրակացություն ստացած գործարար ծրագրերի իրականացման համար դրամաշնորհ, ինչպես նաև առնվազն 12 ամիս ժամկետով բիզնեսի ուղեկցման աջակցություն:
12. 2027 թ. հունվարի 1-ից կմեկնարկի **զբաղվածության ապահովման նոր ծրագիր՝ հաշմանդամություն ունեցող անձանց և 63-ից բարձր տարիք ունեցող անձանց համար**: Ծրագրի շրջանակում աջակցություն կտրամադրվի այն գործատուներին, որոնք առնվազն 3-6 ամիս ժամկետով աշխատանքային պայմանագիր կկնքեն ֆունկցիոնալության խորը կամ ծանր աստիճանի սահմանափակում (1-ին կամ 2-րդ խմբի հաշմանդամություն) կամ 63-ից բարձր տարիք ունեցող անձանց հետ:



13. 2026 թ. հուլիսի 1-ից ՀՀ ամբողջ տարածքում գործարկվել է **ընտանիքների անապահովության գնահատման նոր համակարգ**: Գնահատման նոր համակարգով ծայրահեղ անապահով ճանաչված ընտանիքները կունենան նվազագույն երաշխավորված եկամուտ՝ պարենային զամբյուղի չափով: Նոր համակարգի ներդրման արդյունքում պիլոտավորված՝ Սյունիքի և Կոտայքի մարզերում նպաստի միջին չափն օգոստոսի 1-ի դրությամբ կազմում է 82,000 դրամ, իսկ առավելագույն չափն ավելի քան 273,000 դրամ:
14. **ՀՀ մանկատան շրջանավարտներին տրվող բնակարանի գնման վկայագրերի** (ԲԳՎ) տրամադրման գործընթացում աջակցության չափը 6,3 մլն դրամից սահմանվել է 8,7 մլն դրամ: Միաժամանակ, կարգավորվել է ԲԳՎ ստանալու իրավունք ձեռք բերած, սակայն անհրաժեշտ գործընթացները դեռ չավարտած կամ սահմանված ժամկետի ավարտից հետո ԲԳՎ ստանալու համար դիմած անձանց (21 անձ) հարցը:
15. ԽՍՀՄ Խնայքանկի ՀԽՍՀ հանրապետական բանկում մինչև 1993 թ. հունիսի 10-ը ներդրված դրամական **ավանդների դիմաց փոխհատուցում** կարող են ստանալ նաև մինչև 1944 թ.՝ դեկտեմբերի 31-ը ներառյալ ծնված անձինք. փոխհատուցումը կտրամադրվի անկանխիկ եղանակով 2026 թ.:
16. ԱՍՀՆ ենթակայության **հաստատությունների աշխատակիցների աշխատավարձերը բարձրացել է 30%-ով**:
17. Մշակվել է ԱՍՀ նախարարության և Միասնական սոցիալական ծառայության **նոր բրենդինգը**, այս գաղափարաբանությամբ ստեղծվել է նոր լոգոտիպ:
18. Ներդրվել է **«ծնողական ժամ» կարգավորումը**, որից կարող են օգտվել աշխատող ծնողները և աշխատանքային օրվա ընթացքում կարող են ժամանակավորապես բացակայել՝ երեխայի խնամքի, դաստիարակության, կրթական գործընթացներին մասնակցելու կամ երեխայի շահերից բխող այլ կարևոր հարցերով զբաղվելու համար:
19. Մի շարք օրենքներից **հանվել է պաշտոն զբաղեցնելու առավելագույն տարիքի՝ 65 տարեկանի շեմի սահմանափակումը**՝ Փոփոխությունը հնարավորություն է տալիս աշխատողների աշխատանքային հարաբերությունների դադարեցումը չպայմանավորել զուտ միայն տարիքը լրանալու հանգամանքով, այլ պաշտոնը զբաղեցնող անձի մասնագիտական կարողություններով, կատարողականով և արդյունքահեն գործունեությամբ:



20. 2026 թ. հուլիսի 1-ից պետական հավաստագրերի միջոցով հաշմանդամություն ունեցող անձանց տրամադրվող **աջակցող միջոցների ցանկը** համալրվել է 37 նոր պարագայով² արդյունքում՝ տրամադրվող աջակցող միջոցների ընդհանուր թիվը դարձել է 162: Բարձրացվել են նաև որոշ պարագաների փոխհատուցման արժեքները:
21. Շարունակվում են **համայնքային փոքր տների բարեկարգման** ուղղությամբ իրականացվող աշխատանքները: Ակնաշենի համայնքային փոքր տան շինարարական աշխատանքներն ավարտված են, այն բնակեցված է: Գեղակերտի համայնքային փոքր տան շինարարական աշխատանքները գտնվում են ավարտական և գույքային համալրման փուլում: Սրգաստան համայնքում գտնվող փոքր տան հիմնանորոգման աշխատանքները նախագծման փուլում են:
22. Ընթացքի մեջ են **Մեծամորի անկախ կյանքի կենտրոնի** շինարարական աշխատանքները: Կենտրոնում նախատեսվում է ապահովել մատչելի միջավայր՝ հաշմանդամություն ունեցող անձանց հենաշարժական համակարգի, լսողության, տեսողության, մտավոր զարգացման, հոգեկան առողջության խնդիրներ ունեցող անձանց համապատասխան ծառայությունների մատուցման համար:
23. Վերանորոգվում և բարեկարգվում են տարեցների ու երեխաների խնամքի հաստատությունները²
- «Զորակ» շուրջօրյա մասնագիտացված խնամքի կենտրոն՝ հիմնանորոգման աշխատանքներն ընթացքի մեջ են,
 - Երևանի «Զատիկ» երեխաների աջակցության կենտրոն՝ հիմնանորոգման աշխատանքներն ընթացքի մեջ են,
 - Երևանի Աջափնյակ համայնքի երեխաների սոցիալական հոգաձության կենտրոն՝ նախատեսվում է շինարարական աշխատանքների մեկնարկ,
 - Սյունիքի մարզի երեխայի և ընտանիքի աջակցության կենտրոն՝ նախատեսվում է շինարարական աշխատանքների մեկնարկ,
 - Երևանի Մանկան տուն՝ գտնվում է նախագծման փուլում,
 - Երևանի Մարի Իզմիրյանի անվան մանկատուն՝ նախատեսվում է շինարարական աշխատանքների մեկնարկ,
 - Գյումրու երեխաների տուն՝ գտնվում է նախագծման փուլում,



- Լոռու մարզի երեխայի և ընտանիքի աջակցության կենտրոն՝ գտնվում է նախագծման փուլում:

24. Շարունակվում են սոցիալական բնակարանային ֆոնդի նախագծման, հիմնանորոգման և շինարարական աշխատանքները:



ՀՀ, Երևան 0010, Կառավարական տուն 3,
www.social.gov.am, info@mlsa.am, հեռ.՝ +374 10 56 53 83